

宋
名
家
詞

龍洲詞

目錄

六州歌頭 三調

沁園春 十五調

八聲甘州 一調

四犯剪梅花 一調

小桃紅 一調

天仙子 一調

竹香子 一調

賀新郎 七調

水龍吟 一調

念奴嬌 一調

滿江紅 二調

水調歌頭 二調

龍洲詞目

汲古閣

祝英臺近

三調

轆轤金井

一調

糖多令

一調

臨江仙

一調

蝶戀花

一調

謁金門

二調

鷓鴣天

一調

柳梢青

一調

好事近

一調

清平樂

一調

醉太平

一調

長相思

一調

西江月

一調

龍洲詞目錄

終

龍洲詞

宋 劉 過

六州歌頭

弔武穆鄂
王忠烈廟

中興諸將誰是萬人英
身草莽人雖死氣填膺
尚如生年少起河北劔三尺弓兩石定襄漢開
號洛洗洞庭北望帝京狡兔依然在良犬先烹
過舊時營壘荆鄂有遺民憶故將軍淚如傾
說當年事知恨苦不奉詔僞耶真臣有罪陛下

龍淵詞

汲古閣

聖可鑒臨一片心萬古分茅土終不到舊姦臣
人世猶白日照忽開明袞佩冕圭百拜九原下
榮感君恩看年年三月滿地野花春鹵簿迎神

又

淮西帥李詭和
仍爲普廟額

高皇神武善駕馭豪英攘北狄驅羣盜命天膺
救蒼生奈夢繞沙漠隔溫清屈和好召大將歸
兵柄列樞庭公指汴京威已振河洛不顧身烹
夫一時幾會嗟左袵吾民痛岳家軍孰扶傾

久沉冤憤七十載還復遇帝王真表遺烈錫王
號日照臨激士心始識安劉計寧禍已是忠臣
我棄傳訪壁壘想精明英氣凜然若在仍題扁
昭揭天恩笑原頭荒草一死不能春交怨人神

又

鎮長淮一都會古揚州升平日朱簾十里春風
小紅樓誰知艱難去邊塵暗胡馬擾笙歌散衣
冠渡使人愁屈指細思血戰成何事萬戶封侯

但瓊花無恙開落幾經秋故壘荒丘侶含羞

悵望金陵宅丹陽郡山不斷綢繆興亡夢榮枯
淚水東流甚時休野竈炊煙裏依然是宿貔貅
嘆燈火今蕭索尚淹留莫上醉翁亭看濛濛雨
楊柳絲柔笑書生無用富貴拙身謀騎鶴來遊

沁園春

代壽韓平原

玉帶金魚綠鬢朱顏神仙畫圖把擎天柱石空
留綠野濟川舟楫閑倚西湖天欲安劉公婦重

趙許大元勛誰得如平章看直人如伊呂世似
唐虞 不須別樣規模但收攬人才多用儒況
自昔軍中膽能寒虜而今胸次氣欲吞吳紫府
真人黑頭元宰收斂神功寂似無歸來好正芝
香棗熟鶴瘦松癯

又

張路分
秋間作

萬馬不嘶一聲寒角令行柳營見秋原如掌鎗
刀突出星馳鐵騎陣勢縱橫人在油幢我韜總

龍洲詞

汲古閣

制羽扇從容裘帶輕君知否是山西將種曾繫
詩名 龍蛇紙上飛騰看落筆四簷風雨驚便
塵沙出塞封侯萬里印金如斗未慳平生拂試
腰間吹毛劔在不斬樓蘭心不平歸來晚聽隨
車鼓吹也帶邊聲

又

送辛幼安弟
赴桂林官

天下稼軒文章有第□看來遲正三齊盜起兩
河民散勢傾上國泛泛如盃猛士雲飛狂胡灰

滅幾會之來人共知何爲者望桂林西去一騎
星馳 離筵不用多悲喚紅袖佳人分藕絲種
黃柑千戶梅花萬里等閒遊戲畢竟男兒入幕
來南籌邊如北翻覆手高來去棊公餘且盡玉
簪朱履倩米元暉

又
寄辛稼軒

古豈無人可以侶吾稼軒者誰擁七州都督雖
然陶侃機明神鑒未必能詩常袞何如公羊聊

爾千騎東方候會稽中原事總匈奴未滅畢竟
男兒平生出處天知筭整頓乾坤終有時問
湖南賓客侵尋去矣江西戶口流落何之盡日
樓臺四邊屏障目斷江山魂欲飛長安道笑世
無劉表王粲疇依

又

寄孫
竹湖

問訊竹湖竹如之何如何未歸道吳山越水無
非佳處來無定止去亦何之只怕秋來未能忘

耳心與輕雲一樣飛愁無奈但北窗寄傲南澗
題詩 人生萬事成癡筭世上久無公是非恨
雲臺突兀無君子者雪堂流落有美人兮疎雨
梧桐微雲河漢鐘鼎山林無限悲陽山縣時昌
黎悞汝汝悞昌黎

又

盧菊澗座上時座
中有新第宗室

一劔橫空飛過洞庭又爲此來有汝陽璉者唱
名殿陞玉川公子開宴罇罌四舉無成十年不

調大宋神仙劉秀才如何好將百千萬事付兩
三盃未嘗戚戚于懷嘆自古英雄安在哉看
錢塘江上潮生潮落姑蘇城裏花謝花開道號
書生強名舉子漸老雪從頭上催誰羨汝擁三
千珠履十二金釵

又寄辛承旨時承旨招不赴。注或作風雪中欲詣稼軒久寓湖上未能一往賦

此以解

斗酒彘肩風雨渡江豈不快哉被香山居士約

林和靖與坡仙老駕勒吾回坡謂西湖正如西
子濃抹淡粧臨照臺二公者皆掉頭不顧只管
傳盃 白云天竺去來圖画裏呼嶸樓閣開愛
縱橫二澗東西水遶兩峯南北高下雲堆逋曰
不然暗香浮動不若孤山先訪梅須晴去訪稼
軒未晚且此徘徊

又

送人赴
營道宰

萬里湖南江山歷歷此吾舊遊看飛鳧仙子張

龍洲詞

汲古閣

帆直上周郎赤壁鷓鴣滄洲盡吸西江醉中橫
笛人在岳陽樓上頭波瀾靜泛洞庭青草東整
蘭舟 長沙會府風流有萬戶娉婷簾玉鈎恨
楚城春晚岸花檣燕還將客送不是人留且喚
陽城更招元結摩撫三關歌詠休心期處笑世
間真有騎鶴揚州

又

贈豐城
王禹錫

自注銅瓶作梅花供尊前數枝說邊頭舊事人

生消得幾番行役問我何之小隊紅旗黃金作
印直待封侯知幾時盃行處想淋漓一醉明日
東西如掾健筆鸞飛重爲寫春風陌上詞便
平生豪氣消磨酒裏世間此樂兒輩爭知霜冷
貂裘夜寒如水飲到月斜猶未歸仙山路有笙
簧度曲聲到琴絲

又

湖遊

柳思花情湖山應怪先生又來想舊時談舌依

然解使六丁奔走驅斥風雷翠袖傳觴金貂換
酒痛飲何妨三百盃人間世算謫仙去後誰是
天才碧窗画鼓船齋胸次與乾坤一樣開試
雲間招手下呼餘子逡巡去矣但覺塵埃若是
花時無風無雨一日須來一百回教人道□玉
山自倒不用人推

又

蘇州黃尚書同夫
人春聚遊報恩寺

緩轡徐驅兒童聚觀神仙画圖放芹泥雨過芹

香路軟金蓮自策小小籃輿傍柳題詩穿花勸
酒鯁齒攀條得自如山行處有松篁夾道不用
傳呼 清泉石下盤紆算風景江淮各異殊記
東坡賦好紗籠舊壁西山句妙簾捲晴虛白玉
堂深黃金印大無此文君載後車盃行處相淋
漓醉墨真草行書

又美人
指甲

銷薄春水碾輕寒玉漸長漸彎見鳳鞵泥污偎

人強別龍涎香斷撥火輕翻學撫瑤琴時時欲
剪更掬水魚鱗波底寒纖柔處試摘花香滿鏤
棗成斑 時將粉淚偷彈記綰玉曾教柳傳看
筭恩情相著搔便玉體歸期暗數畫遍闌干每
到相思沉吟靜處斜倚朱唇皓齒間風流甚把
仙郎暗搯莫放春閒

又美人

足

洛浦凌波爲誰微步輕塵暗生記踏花芳徑亂

紅不損步苔幽砌嫩綠無痕襯玉羅慳銷金樣
窄載不起盈盈一段春嬉遊倦笑教人款捻微
褪些根 有時自度歌聲悄不覺微尖點拍頻
憶金蓮移換文鴛得侶繡茵催袞舞鳳輕分懊
恨深遮牽情半露出沒風前煙縷裙知何似似
一鈎新月淺碧籠雲

八聲甘州

送湖北招撫吳獵

問紫崑去後漢公卿不知幾貂蟬誰能借留侯

龍洲詞

汲古閣

筋著祖生鞭依舊塵沙萬里河洛染腥羶誰識
道山客衣鉢曾傳 共記玉堂對策欲先明大
義次第籌邊沉重湖八柱袖手已多年望中原
馳驅去也擁十州牙纛正翩翩春風早看東南
王氣飛繞星躔

四犯剪梅花

上建康錢
太郎壽

水殿風涼賜環歸正是夢熊華旦

解連環

疊雪

羅輕稱雲章題扇

醉蓬萊

西清侍宴望黃傘日

華寵輦

雪獅兒

金券三王玉堂四世帝恩偏眷

醉蓬萊

□臨安記龍飛鳳舞信神明有後竹梧

陰滿

解連環

笑折花看橐荷香紅潤

醉蓬萊

功

名歲晚帶河與礪山長遠

雪獅兒

麟脯杯行狻

薦坐穩內家宣勸

醉蓬萊

小桃紅

在襄州作。譜注詠美人画扇

曉

一作曉非

入紗窗靜戲弄菱花鏡翠袖輕勻玉纖

彈去小妝紅粉画行人愁外兩青山與尊前離

恨 宿酒醺難醒笑記香肩並暝借蓮腮碧雲
微透暈眉斜印最多情生怕外人猜拭香津微
搵

天仙子

初赴省別妾于三十里
頭。或作水仙子誤

別酒醺醺渾易醉回過頭來三十里馬兒不住
去如飛牽一憩坐一憩斷送殺人山與水 是
則是青山終可喜不道恩情拚得未雪迷村店
酒旗斜去則是住則是煩惱自家煩惱你

竹香子

詞部季端訪
舊不遇有作

一項窗兒明快料想那人不在熏籠脫下舊衣
裳件件香難賽 匆匆去得忒熬這鏡兒也不
曾蓋千朝百日不曾來沒這些兒箇采

賀新郎

彈缺西來路記匆匆經行數日幾番風雨夢裏
尋秋秋不見秋在平蕪遠渚想雁信家山何處
萬里西風吹客鬢把菱花自笑人顛顛留不住

少年去 男兒事業無憑據
記當年擊筑悲歌
酒酣箕踞腰下光芒三尺劍
時解挑燈夜語更
忍對燈花彈淚喚起杜陵風雨
手寫江東渭北
相思句歌此恨慰羈旅

又

贈鄉人
朱唐卿

多病劉郎瘦最傷
心天寒歲晚客他鄉
久大舸
翩翩何許至元是高陽舊友便
一笑相歡攜手
與問武昌城下月
又何如揚子江頭柳
追往事

兩眉皺 燭花自剪明如晝
喚青娥小紅樓上
殷懃勸酒昵昵琵琶
恩怨語春筍輕籠翠袖看
舞徹金釵微溜若見故鄉
吾父老道長安市上
強如舊重會面幾時又

又

贈張彥功

曉印霜花步夢半醒扶上雕鞍
馬嘶人去嵐濕
青絲雙轡冷暎控野梅江路
聽画角吹殘更鼓
悲壯寒聲撩客恨甚貂裘重擁
愁無數霜月白

照離緒 青樓回首家何處
早山遙水闊天低
斷腸煙樹誰念天涯半落
況輕負煥煙濃雨記
酒醒香銷時語客裏
端勸須早發怕天寒風急
相思苦應看我翠眉聚

又

遊西湖

睡覺啼鶯曉醉西湖兩峯
日日買花簪帽去盡
酒徒無人問唯有玉山自
倒任拍手兒童爭笑
一舸乘風翩然去避魚龍
不見波聲悄歌韻遠

喚蘇小 神仙路遠蓬萊島紫雲深參差禁時刻

缺禁樹有煙花遶人世紅塵西障日百計不如

歸時刻多好付樂事與他年少費盡柳金梨雪

句問沉香亭北何時召心未慙鬢先老

又 平原納寵姬奏
方響席上賦

倦舞輪袍後厭秦箏鷓鴣未嫁怨新懷舊別有
豔妝豪勢樂春筍微揜翠袖試一曲琅璈初奏
莫放珠簾容易捲怕人知世有梨園手雙臂冷

龍洲詞

十三

汲古閣

釧金瘦 燭花對剪剛於晝正画堂深曲屏山
灰紅圍獸□□□□依舊皺□□□鶯轉柳聽
箭落銅壺銀漏一片雄心天外去爲聲清響徹
雲霄透人醉也尙呼酒

又

院宇重重掩醉沉沉亭陰轉午綉簾高捲金鴨
香濃噴寶篆驚起雕梁語燕正架上酥醺開徧
嫩萼梢頭舒素臉侶月娥初試宮妝淺風力嫩

異香軟 佳人無意拈針線
遶朱闌六曲徘徊
爲他留戀試把芳心輕輕數
暗計歸期近遠奈
數了依然重怨把酒問春春
不管枉教人只恁
空腸斷腸斷處怎消遣

又

自跋云去年秋余試牒四明賦贈老媪
至今天下與禁中皆歌之江西人來以
爲鄧南秀
詞非也

老去相如倦向文君說似而今怎生消遣
衣袂
京塵曾染處空有香紅尚軟料彼此魂銷腸斷

一枕新涼眠客舍聽梧桐疎雨秋風顫燈暈冷
記初見樓低不放珠簾捲晚妝殘翠蛾狼藉
淚痕流臉人道愁來須殢酒無奈愁深酒淺但
託意焦琴紈扇莫鼓琵琶江上曲怕荻花楓葉
俱淒怨雲萬疊寸心遠

水龍吟

謫仙狂客何如看來畢竟歸田好玉堂無此三
山海上虛無縹緲讀罷離騷案香猶在覺人間

小任菜花葵麥劉郎去後桃開處皆多少一
夜雪迷蘭棹傷寒溪欲尋安道而今縱有劉郎
冰柱有知音否想見鸞飛如椽健筆檄書親草
算平生白傅風流未肯問香山老

念奴嬌

回侍郎
李大異

知音者少笑乾坤許大著身無處直待功成方
始退何日可尋歸路多景樓前垂虹亭下一枕
眠秋雨虛名相悞十年枉費辛苦不是奏賦

明光獻書北闕無驚人之語我自匆忙天未肯
贏得衣裙塵土白壁堆前黃金躡笑付與君爲
主尊鱸江上浩然明日歸去

滿江紅

同襄陽
帥泛湖

獵獵風蒲画船轉碧波灣浦都不是柳汀桃岸
橘洲梅渚指點山公騎馬地經由羊祜登山處
悄一如人在水晶宮消袞暑薰風動簾帷舉
秦箏奏凌波舞拚冰壺沉醉晚涼歸去侵岸一

篙楊柳浪過雲幾點荷花雨倚樓人十里凭欄
杆神仙侶

又

高帥馮太尉席上

敵面輕風一兩點海棠微雨春總在英雄元帥
曉來遊處樓閣萬家簾幙卷江郊十里旌旗駐
有黃鸝百舌轉新聲垂楊舞寒食近笙簫鼓
車馬鬧銅鞮路拚尊前一醉與花爲主風韻可
將圖障画笑談盡是文章路問何如鄒湛赴江

頭陪羊祜

水調歌頭

晚春。一作春半。

春事能幾許。密葉著青梅。日高花困。海棠風急。想都開。不惜春衣典盡。只怕春光。歸去片片點蒼苔。能得幾時好。追賞莫徘徊。雨飄紅。風換翠。苦相催。人生行樂。且須痛飲。莫辭盃。坐則高談。風月醉則恣眠。芳草醒後亦佳哉。湖上新亭好。何事不曾來。

又

刀劔出榆塞鉛槧上蓬山得之渾不費力失亦
匹如閑未必古人皆是未必今人俱錯世事沐
猴冠老子不分別內外與中間 酒須飲詩可
作鋏休彈人生行樂何事催彼鬢毛斑達則牙
旗金甲窮則蹇驢破帽莫作兩般看世事只如
此自有識鵬鸞

祝英臺近

同妓遊帥
司東園

窄輕衫聯寶轡花裡控金勒有底風光都在画
欄側日遲春暝融融杏紅深處爲花醉一鞭春
色對嬌質爲我歌捧瑤觴歡聲動阡陌似
多情飛上鬢雲碧晚來約住青驄踏花歸去亂
紅碎一庭風月

又

笑天涯還倦客欲起病無力風雨春歸一日近
一日看人結束征衫前呵騎馬腰劔上隴西平

策鬢粉白只可歸去家山無田種瓜得空抱
遺書顛顛小樓側杜鵑不管人愁月明枝上直
啼到枕邊相覓

轆轤金井

席上贈馬
僉判舞姬

翠眉重拂後房深自喚小變嬌小繡帶羅垂報
濃妝纔了堂虛夜悄但夜約鼓簫聲開一曲梅
花樽前舞徹梨園新調高陽醉山未倒看鞦
飛鳳翼釵褪微溜秋滿東湖更西風涼早桃源

路杳記流水泛舟曾到桂子香濃梧桐影轉月
寒天曉

糖多令

安遠樓小集竹鷓歌板之姬黃其
姓者乞詞于龍洲道人爲賦此糖

多令同柳阜之劉去非石民瞻周嘉仲
陳孟參孟容時八月五日也○譜注重
過武昌

糖一作唐

蘆葉滿汀洲寒沙帶淺流二十年重過南樓柳
下繫船猶未穩能幾日又中秋黃鶴斷磯頭
故人曾到不舊江山渾是新愁欲買桂花同載

酒終不似少年遊

臨江仙

四景

半雨半晴模樣乍寒乍熱天時榴花香逐濕風
飛綠雲翻碧浪水急轉前溪誰知清涼意思
珊瑚枕冷先知秋光預若借些兒賸催金粟開
素魄好揚輝

蝶戀花

贈張守
寵姬

簾幙聞聲歌已妙一曲尊前真個梅花早眉黛

兩山誰爲埽風流京兆江南少
醉得白鬚人
自老□□侯鯖舊也曾年少
後夜短篷霜月曉
夢魂依約雲山遶

謁金門

京口賦與
歌者侑尊

歸不去船泊早春梅渚試聽玉人歌
白苧行雲
無覓處
剪燭寫詩無語
漠漠寒生窗戶
明日
短篷眠夜雨
寶釵空半股

又

秋興

秋無惡愁怯羅衾風弱雨線垂垂晴又落輕煙
籠翠箔 休道旅人蕭索生怕香濃灰薄桂子
莫愁孤酒約詩情元落魄

鷓鴣天

樓外雲山千萬里畫眉人隔小簾櫳風垂舞柳
春猶淡雪點酥胸煥未融 携手處又相逢夜
闌心事與郎同一盃自勸羔兒酒十幅銷金煥
帳籠

柳梢青

送梅坡

泛菊盃深吹梅角遠同在京城聚散匆匆雲邊
孤雁水上浮萍教人怎不傷情屈指人心幾
人後夜相思塵隨馬足自逐舟行

好事近

詠茶筵

誰斫碧琅玕影撼半亭風月尚有歲寒心在留
數根華髮龍孫戲弄碧波濤隨手清風發灑
到浪花深處□一甌香雪

清平樂

贈妓

忔憎憎地一捻兒年紀待道瘦來肥不是宜著
淡黃衫子 脣邊一點櫻多見人頻歛雙蛾我
自金陵懷古唱時休唱西河

醉太平

閨情。時刻誤潛夫

情高意真眉長鬢青小樓明月調箏寫春風數
聲 思君憶君魂牽夢縈翠綃香煥雲屏更那
堪酒醒

龍洲詞

汲古閣

西江月

賀詞。或刻辛稼軒

堂上謀臣樽俎邊頭將士干戈天時地利與人
和燕可伐與曰可今日樓臺鼎鼐明年帶礪
山河大家齊唱大風歌同日四方來賀

改之家于西昌自號龍洲道人為稼軒之
客故小詞亦多相溷如堂上謀臣樽俎之
類是也宋子虛稱為天下奇男子平生以
氣義撼當世其詞激烈讀者感焉花菴謂

其詞學辛幼安如別妾天仙子詠西看小
梳紅諸闕稼軒集中能有此纖秀語耶古
虞毛晉識

龍洲詩

二十一

江古屋

龍洲詞終

初寮詞

目錄

虞美人

四調

浣溪沙

二調

玉樓春

二調

綠頭鴨

一調

哨遍

一調

菩薩蠻

一調

御街行

一調

鷓鴣天

一調

蝶戀花

一調

一落索

三調

玉蝴蝶

一調

水龍吟

一調

臨江仙 二調

小重山 三調

江神子 一調

徵招調中腔 一調

清平樂 三調

安陽好 九調

卜算子 二調

生查子 一調

洞仙歌 一調

初寮詞目錄 終

初寮詞

宋 王安中

虞美人

雁門作

千山青比粧眉淺却奈眉峯遠玉人元自不禁
秋更算惱伊深處月當樓分攜不見憑闌際
只料無紅淚萬千應在錦回紋囑付斷鴻西去
問行雲

又

星郎才思生瑠管四海聲名滿尊前新唱更新
妍況有玉人相勸擗醜顏 芙蓉幕下同時客
年少邨重得且尋幽夢賦高唐莫爲浮名容易
却相妨

又

贈李士美

清商初入昭華瑄宮葉秋聲滿草麻初罷月嬋
娟想見明朝喜色動天顏 持盃滿勸龍頭客
榮遇時方得詞源三峽瀉瞿塘便是醉中宣去

也無妨

又

和趙承之送
權朝美按伴

文昌郎自文無比風露行千里試尋天上使星
看却見錦衣白晝過鄉關邊城落照孤鴻外
聯壁人相對應吟紅葉送清秋向我舊題詩處
夏重遊

浣溪沙

看雪
作

慵整金釵縮指尖曉雲猶自入疎簾綠窗清冷

臉紅添 妬粉儘饒花六六迴風從鬪玉纖纖
不成香暎也相兼

又

柳州作

宮纈慳裁翡翠輕文犀鬆串水晶明颭風新樣
稱娉婷 帶笑緩搖春笋細障羞斜映遠山橫
玉肌無汗暗香清

玉樓春

秋鴻只向秦箏住終寄青樓書不去手因春夢

有攜時眼到花開無著處
泥金小字蠻箋句

淚溼殘粧今在否
欲尋巫峽舊時雲
問取陽關

西去路

花菴詞
選情異

又

送耿太尉赴闕

堯天雨露承新詔
珂馬風生趨急召
玉符曾將
虎牙軍金殿還陞龍尾道
征西鎮北功成早

仗鉞登壇今未老
樽前休更說燕然
且聽陽關

三疊了

初寮詞

汲古閣

綠頭鴨

大石調
宮體

魏都雄鳳皇飛觀雲間佩麟符荀池元老暫醉
西省仙班憩甘棠池澄遠籟詠華黍河卷驚瀾
碧草淒迷丹毫冷落園扉鈴索鎮長閑繡筵展
三台星近鏘玉韻珊珊金尊灑新醅方薦薄暑
初殘 政成時歡餘客散後園朱戶休關度秋
風画闌枕水挂夜月雕檻騎山錦帳籠香鬢釵
按曲琵琶雙轉語綿蠻勸行傷眉黃氣先報袞

衣還登庸際應褒舊德喜動天顏

哨遍

孔德彰作北山移文以譏周彥倫後之托隱求達拚終南嵩少爲仕宦捷

徑者讀而益之是足爲勇退者之鼓吹
陽翟蔡侯原道括於仕進其內呂夫人
有林下風相與營蟄歟之計而未果則
鴟子以此文度曲且朝夕使家童誦之
亦可以見泉石
之勝其詞曰

世有達人瀟灑出塵招隱青霄際終始追遊覽
老山栖藐千金輕脫如屣彼假容江臯濫巾雲
岳纓情好爵欺松桂觀向釋談空尋真講道巢

由何足相擬待詔書來起便騶馳席次早焚烈
芟荷衣敲朴誼誼牒訴怱怱抗顏自喜嗟明
月高霞石徑幽絕誰回睇空悵猿驚處淒涼孤
鶴嘹唳任別壑爭譏衆峰竦誚林慙澗媿移星
歲方浪世神京騰裝魏闕徘徊經過留憩致草
堂靈怒蔣侯麾肩岫幌驅煙勒新移忍丹崖碧
嶺重淖鳴湍聲斷幽谷逋客歸何討信知一逐
浮榮便喪素守身成俗士伯鸞家有孟光妻豈

逡巡眷戀名利

菩薩蠻

六軍閱罷猶
飲兵將官

中軍玉帳旌旗繞
吳鈞錦帶明
霜曉鐵馬去追
風弓聲驚塞鴻
分兵閑細柳
金字回飛奏犒
飲上恩濃
燕然息勒功

御街行

賜衣
襪子

清霜飛入蓬萊殿
別進雲裘軟
却回宸慮念多
寒詔語日邊親
遣冰蠶綿厚金
鷗錦好永夜縫

宮線 紅旌絳旆迎星傳喜氣歡聲遠廟堂勲
舊使臺賢領袖坐中爭綢天香馥郁君恩歲歲
一醉春生面

鷓鴣天

百官
傳宣

荷霧紅雲捧建章鳴珂星使渡銀潢親將聖主
如絲語傳與陪都振鷺行 香裊裊珮鏘鏘昇
平歌筦趁飛觴明時玉帳恩相續清夜鈞天夢
夏長

蝶戀花

露桃煙杏逐年新
回首東風跡已陳
頃刻開花公莫愛
四時俱好是長春

曲徑深叢枝裊裊
暈粉揉綿破盞烘清曉
十二番開寒最好
此花不惜春歸早
青女飛來紅翠少
特地芳菲絕豔
驚衰草只帶東風終甚了
久長欲伴姮娥老

右長春花

初寮詞

六

汲古閣

無窮芳草度年華，尚有寒來幾種花。
好在朱
朱兼白白一天飛雪映山茶

巧剪明霞成片片，欲笑還嚔金盞依稀見。
拾翠
人寒妝易淺，濃香別注鬢膏點。
竹雀喧喧煙
岫遠晚色溟濛六出花，飛遍此際一枝紅綠眩。
画工誰寫銀屏面

右山茶花

雪裏園林玉作臺，侵寒錯認暗香迴。
化工清

氣先誰得品格高奇是蠟梅

剪蠟成梅天著意黃色濃濃對萼勻裝綴百和
熏肌香旖旎仙裳應漬薔薇水 雪徑相逢人
半醉手折低枝擁髻雲爭翠
鯢蔬撚枝無限思
玉真未洒梨花淚

右蠟梅花

千林鴈雪綴瑤瑰晴日南枝暝獨回
知有和羹尋鼎寶未春先發看紅梅

青玉一枝紅類吐粉頰愁寒濃與臙脂傳辨杏
猜桃君莫誤天姿不到風塵處雲破月來花
下住要伴佳人弄影參差舞只有暗香穿繡戶
昭華一曲驚吹去

右紅梅花

年年節物欲爭新玉頰朱顏一笑頻勾引東
風到池館春前花發自迎春

雪霽花稍春欲到餞鴈迎春一夜花開早青帝

迴與雲縹緲鮮鮮金雀來飛遶
繡閣紗窗入
窈窕翠縷紅絲鬪剪旛兒小戴在花枝爭笑道
願人常共春難老

右迎春花

鴛瓦鋪霜朔吹高
画堂歌筦醉香醪
小春特地風光好
豔粉嬌紅看小桃

穠豔天桃春信漏
弄粉飄香楓葉飛
丹後酒入冰肌紅欲透
無言不許羣芳鬪
樓外何人揜

翠袖剪落金刀插處濃雲覆肯與劉郎仙去否
武陵曲路相思瘦

右小桃花

又

梁才甫席
上次韻

翠袖盤花金撚線曉炙銀簧勸飲隨深淺複幕
重簾誰得見餘醺微覺紅浮面 別喚清商開
綺宴玉管雙橫抹起梁州遍白苧歌前寒莫怨
湘梅萼裏春邠遠

又

千古銅臺今莫問
流水浮雲歌舞西陵近
煙柳有情開不盡
東風約定年年信
天與麟符行

樂分帶緩球紋雅
宴催雲鬢翠霧縈
紆銷篆印

箏聲恰度秋鴻陣

帶緩毬紋一作緩帶輕裘

又

未帖宜春雙綵勝
手點酥山玉筍人爭瑩
節過日長心自準
遲留碧瓦看紅影
樓外尖風吹

鬢冷一望平林
霽寒花相映
落粉篩雲晴未定
朝醒只凭闌干醒

一落索

夢破池塘杳杳
情隨春草
尊前風味不勝清賦
白雪幽蘭調
秀句銀鈎爭妙
殷懃東道蠻牋
傳與翠娥歌便買斷千金笑

又

欲訪瑤臺蓬島
煙雲縹緲
清游却到鳳皇池聽

檀板新聲妙 天上除書催
早人瞻元老東風
煙柳罩河堤 夏何處深春好

又

送王伯紹
帥慶陽

塞柳未傳春信 霜花侵鬢
送君西去 指秦關看
日近長安近 玉帳同時
英俊合離無定路 逢
新雁北飛來 寄一字 燕山問

玉蝴蝶

和梁才甫
游園作

御水縠紋風 皺画橋橫處
沙路晴時 曲塢藏春

初寮詞

十

汲古閣

朱戶翠竹參差過牆花嬌無限思籠檻柳低不
勝垂海棠枝爲東君愛未敢離披 遲遲日華
融麗悠揚絲管掩冉冉旌旗喜入繁紅坐來開盡
不須吹聽鶯遷還思上苑約鳳浴應展新池促
歸期燕飛蝶舞特地熙熙

水龍吟

游御河并過
壓沙寺作

魏臺長樂坊西画橋倒影煙堤遠東風與染揉
藍春水灣環清淺浴鷺翹沙戲魚吹絮落紅漂

卷爲遊人盛蹤蘭舟綵舫飛輕棹凌波面樂
事年來乍見趁旌旗谷鬻嬌囀追隨況有疎簾
珠袖濃香紺幘蕭寺高亭茂林斜照且留芳宴
看韶華爛向樽前放手作梨花晚

臨江仙

和梁才甫茶詞

六六雲從龍戲月天顏帶笑嘗新年年回首建
溪春香甘先玉食珍寵在楓宸賜品暫醒歌
裏醉近和行對台臣宮甌浮雪乳花勻九重清

晝永宜坐議東巡

又

賀州劉帥忠家
隔簾聽琵琶

鳳撥鷓絃鳴夜永直疑人在潯陽輕雲薄霧隔
新粧但聞兒女語倏忽變軒昂且看金泥花
鄒面指痕微印紅桑幾多餘暎與真香移船猶
自可卷箔又何妨

小重山

湯

重舉金猊多炷香仙方調絳雪坐初嘗醉鬟嬌

捧不成行顏如玉玉盃共爭光
飛盡莫催忙
歌檀臨闕處緩何妨遠山橫翠爲誰長人歸去
餘夢繞高唐

又

椽燭垂珠清漏長酒黏衫袖溼有餘香紅牙雙
捧旋排行將歌處相向更勻妝
明月映東牆
海棠花徑密迸流光遲留春筍緩催觴蘭堂靜

人已候虛廊

酒黏一作醉痕

初寮詞

汲古閣

又相州榮歸
池上作

碧藕花風入袖香
涓涓清露沁玉肌
涼折花無語
傷橫塘隨折處
一寸萬絲長
還夏擘蓮房
蓮心真箇苦
似離腸
凌波新恨儘
難忘分攜也
觸事著思量

江神子

韋城道中寄李
祖武翟淳老

荷花遮水水漫溪
柳低垂亂蟬嘶
捨轡何妨臨
水照征衣
一扇香風搖不盡
人念遠意淒迷

騎鯨仙子已相知數歸期賦新詩更想翟公門
外雀羅稀陶令此襟塵幾許聊欲向北窗披

徵招調中腔

天寧節

紅雲舊霧籠金闕聖運叶星虹佳節紫禁曉風
馥天香奏九韶帝心悅 瑤堦萬歲蟠桃結
算永壺天風月日觀幾時六龍來金縷玉牒告
功業

清平樂

和晁侔

花時微雨未減春分數占取簾疎花密處把酒
聽歌金縷斜風輕度濃香閒情正與春長向
晚紅燈入坐嘗新青杏隨觴

又

花枝歆晚過雨紅珠轉欲共東君論繾綣繁豔
休將風捲歸來凝思閒窗寒花莫□微觴解
慢不成幽夢燕泥驚落雕梁

又

煙雲千里一抹西山翠碧瓦紅樓山對起樓下
飛花流水錦堂風月依然後池蓮葉田田縹
緲貫珠歌裏從容倒玉尊前

安陽好有口號

賦盡三都左太冲當年偏說鄴都雄如今別
唱安陽好勝日佳時一醉同

安陽好形勝魏西州曼衍山河環故國昇平歌
鼓沸高樓和氣鎮飛浮籠画陌喬木幾春秋

花外軒窗排遠岫竹間門巷帶長流風物更清幽

又

安陽好戟戶府居雄白晝錦衣清宴處鍼梁丹
榭畫圖中壁記舊三公棠訟悄池館北園通
夏夜泉聲來枕簟春風花影透簾櫳行樂興何窮

又

安陽好物外占天平疊疊接藍煙岫色淙淙鳴
玉曉溪聲仙路馭風行 松路轉丹碧照飛甍
金界花開常爛熳雲根石秀小崢嶸幽事不勝
清

又

安陽好泮水盛儒宮金字照碑光射斗芸香書
閣勢凌空蕭蕭採芹風 來勸學鄉兗首文翁
歲歲青衿多振鷺人人彩筆競騰虹九萬奮飛

初寮詞

十五

汲古閣

同

又

安陽好耆舊迹依然醉白垂楊低掠水延松高
檜老叅天曾映兩貂蟬 王謝族蘭玉秀當年

画隼朱輪人繼踵丹臺碧落世多賢簪紱看家
傳

又

安陽好負郭相君園綠野移春花自老平泉醒

酒石空存月館對風軒
人選勝幽徑破苔痕
擁砌翠筠侵坐冷穿亭玉溜落池喧
歸意黯重門

又

安陽好曲水似山陰
咽咽清泉岩溜細彎彎
碧甃篆痕深永晝坐披襟
紅袖小歌扇画泥金
鴨綠波隨雙葉轉
鷺黃酒到十分斟
重聽遶梁音

初寮詞

汲古閣

又

安陽好□□又暈飛撥攏旋栽花密密著行重
接柳依依鴛瓦蕩晴輝池面渺相望是榮歸
兩世風流今可見一門恩數古來稀誰與賦緇
衣

又

安陽好千古鄴臺都總帳歌人春不見金樓鳴
鳳夜相呼輦路舊繁紆閑引望漳水遶城隅

燕
時有漁樵收故物誰將宮殿點新圖平野漫煙

卜算子

往道山
道中作

客舍兩三花竝臉開清曉一朶涓涓韻已高一
朶纖纖裊誰與插斜紅擁髻爭春好此意遙
知夢已傳月落前村悄

又

柳州
作

燕尾道冠兒蟬翼生衫子欹枕看書臥北窗簾

初寮詞

十七

汲古閣

展瀟湘水 團扇弄熏風皓質添涼意誰與文
君作粉真只此蓮花是

生查子

柳州作

春紗蜂趕梅宮扇鸞開翅幾摺聚香風一撚生
秋意 搖搖雲母輕裊裊璫枝細莫解玉連環
怕作風飛起

洞仙歌

深庭夜寂但涼蟾如畫鵲起高槐露華透聽曲

樓玉管吹徹伊州金釧響
軋軋朱扉暗扣 迎
人巧笑道好個今宵怎不相尋
暫攜手見淡淨
晚粧殘對月偏宜多情更越
饒纖瘦早促分飛
霎時休便恰似陽臺夢雲歸後

字履道真定人築室自榜曰初寮年十四
薦于鄉凡四舉乃登第由東觀入掖垣由
烏府至鼇禁皆天下第一或謂其受知于
蔡元長家薦于上故恩過如此相傳有初

察前集四十卷後集十卷惜乎罕見常讀
周益公序畧極稱其詩文似坡公暮年之
作又云黃張秦晁既歿系文統接墜緒莫
出公右尤長于制誥李漢老嘆為徽宗時
一人第見議于先輩或云初為東坡門下
士其後附蔡叛蘇或又云受學于晁以道
其後但云晁四丈而不稱先生未知孰是
要未可與持正可之輩並列矣其破子如

安陽好九關六花冬詞六關為時所稱玉
林不盡錄豈亦疵其人耶古虞毛晉記

初寮詞

十九

汲古閣

初寮詞

終